

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИННИГ
ҚАРОРИ



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

27 октябрь 2017 й.г.

№ 876

Тошкент ш. – г. Ташкент

**Давлат эҳтиёжлари учун шоли харид қилишни
ташкил этиш чора-тадбирлари тўғрисида**

Ўзбекистон Республикаси Президентининг “2018 йилда қишлоқ хўжалиги экинларини оқилона жойлаштириш чора-тадбирлари ва қишлоқ хўжалиги маҳсулотларини етиштиришнинг прогноз ҳажмлари тўғрисида” 2017 йил 15 сентябрдаги ПҚ-3281-сон қарорини бажариш юзасидан, шоли етиштириш ҳамда харид қилишнинг ягона тизимини шакллантириш, ер ва сув ресурсларидан оқилона фойдаланиш, шунингдек ички истеъмол бозорини юқори сифатли маҳсулотлар билан тўлдириш мақсадида Вазирлар Маҳкамаси қарор қиласиди:

1. Белгилаб қўйилсинки, 2017 йил ҳосилидан бошлаб давлат эҳтиёжлари учун шоли шоли етиштирувчи хўжаликлар ва “Ўздонмаҳсулот” акциядорлик компаниясининг дон қабул қилиш ташкилотлари ўртасида тузиладиган контрактация шартномалари асосида иловага мувофиқ схема бўйича келишилган бозор нархларида харид қилинади.

2. Қорақалпоғистон Республикаси Вазирлар Кенгаши ва вилоятлар ҳокимликлари Ўзбекистон Республикаси Қишлоқ ва сув хўжалиги вазирлиги, Ер ресурслари, геодезия, картография ва давлат кадастри давлат қўмитаси билан биргалиқда тупроқ-иқлим шароитлари, сув билан таъминлангани ва шоли етиштириш тажрибаси ҳисобга олинган ҳолда, 2018 йил ҳосили учун шоли етиштирадиган туманлар ҳамда хўжаликларни 2018 йилнинг 1 февралгача белгиласинлар.

3. “Ўздонмаҳсулот” АҚ, Ўзбекистон Республикаси Қишлоқ ва сув хўжалиги вазирлиги Қорақалпоғистон Республикаси Вазирлар Кенгаши ва вилоятлар ҳокимликлари билан биргалиқда шоли етиштирадиган хўжаликлар билан 2017 йил ҳосилидан товарбоп ва уруғлик шоли харид қилиш юзасидан 2017 йилнинг 5 ноябригача ушбу қарорнинг 1-бандига мувофиқ контрактация шартномалари тузилишини таъминласинлар.

4. “Ўздонмаҳсулот” АҚ бир ой муддатда белгиланган тартибда:

Харидларни молиялаштириш ва шоли етиштириш ҳамда уни қайта ишлаш тизимиға бозор механизмларини тўлиқ жорий этиш учун юридик шахс мақомига эга бўлмаган мақсадли жамғармани ташкил этсин;

Ўзбекистон Республикаси Молия вазирлиги билан биргалиқда Харидларни молиялаштириш ва шоли етиштириш ҳамда уни қайта ишлаш тизимиға бозор механизмларини тўлиқ жорий этиш учун мақсадли жамғарма маблағларини шакллантириш ва улардан фойдаланиш тартиби тўғрисидаги низомни ишлаб чиқсин ҳамда тасдиқласин.

5. “Ўздонмаҳсулот” АКнинг дон қабул қилиш ташкилотларига, истисно тариқасида, бюджет ташкилотлари ва бюджетдан маблағ олувчилар билан Ўзбекистон Республикасининг ички бозоридаги ўртacha нархлардан ошмайдиган нархларда шоли етказиб бериш бўйича тўғридан-тўғри шартномалар тузишга рухсат берилсин.

6. “Ўздонмаҳсулот” АК манфаатдор вазирликлар ва идоралар билан биргаликда 2018 йилнинг охиригача белгиланган тартибда замонавий технологик линиялар сотиб олинишини ва ўрнатилишини, шунингдек шолини қабул қилиш, ташиш, қайта ишлаш ҳамда сақлаш бўйича фаолият кўрсатаётган цехлар модернизация қилинишини таъминласин.

7. “Агробанк” АТБга “Ўздонмаҳсулот” АК дон қабул қилиш ташкилотларининг буюртманомаларига биноан шолини қабул қилиш, қайта ишлаш ва ташиш бўйича цехларни модернизация қилиш ҳамда замонавий технологик линиялар, шунингдек шоли харид қилиш учун кредитлар ажратиш ва ажратилган кредитларни кейинчалик маҳсулотни сотишдан тушадиган маблағлар ҳисобига қоплаш тавсия этилсин.

8. Ўзбекистон Республикаси Қишлоқ ва сув хўжалиги манфаатдор вазирликлар ҳамда идоралар билан биргаликда ўzlари қабул қилган норматив-хуқукий ҳужжатларни бир ой муддатда ушбу қарорга мувофиқлаштирсин.

9. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари - Қишлоқ ва сув хўжалиги вазири З.Т.Мирзаев зиммасига юклансин.

Ўзбекистон Республикасининг
Бош вазири

А.Арипов



Вазирлар Маҳкамасининг
2017 йил 27 октябрдаги
876-сон қарорига
илова

Давлат эҳтиёжлари учун шоли ҳарид қилиш
СХЕМАСИ

Босқичлар	Тадбирлар	Масъуллар	Муддатлар
I босқич	Шоли етиширадиган туманлар ва хўжаликларни уларнинг таклифларини, тупроқ-иклим шароитлари, сув билан таъминлангани ва шоли етишириш тажрибаси ҳисобга олинган ҳолда белгилаш	Қорақалпоғистон Республикаси Вазирлар Кенгаши, вилоятлар ҳокимликлари, Қишлоқ ва сув хўжалиги вазирлиги, Давергеодезкадастр	хар йили 1 февралгача
II босқич	Шолини давлат эҳтиёжлари учун ҳудудлар бўйича етказиб беришнинг прогноз параметрлари тўғрисида тегишли қарор лойиҳасини ишлаб чиқиш ва Ўзбекистон Республикаси Вазирлар Маҳкамасига киритиш	Қишлоқ ва сув хўжалиги вазирлиги	хар йили 10 февралгача
III босқич	Шолини давлат эҳтиёжлари учун ҳудудлар бўйича етказиб беришнинг прогноз параметрлари тўғрисида тегишли қарор қабул қилиш	Ўзбекистон Республикаси Вазирлар Маҳкамаси	хар йили 20 февралгача
IV босқич	Шолини давлат эҳтиёжлари учун шоли етиширадиган хўжаликлар бўйича етказиб бериш параметрлари тўғрисида тегишли қарорлар қабул қилиш ва уларни дон қабул қилиш ташкилотларига шоли етиширадиган хўжаликлар билан контрактация шартномалари тузиш учун тақдим этиш	Қорақалпоғистон Республикаси Вазирлар Кенгаши, вилоятлар ва туманлар ҳокимликлари	Хукумат қарори қабул қилингандан сўнг 3 кун мобайнида
V босқич	Давлат эҳтиёжлари учун шоли ҳарид қилиш бўйича дон қабул қилиш ташкилотлари ва шоли етиширадиган хўжаликлар ўргасида контрактация шартномаларини тузиш	“Ўздонмаҳсулот” АҚ, Адлия вазирлиги, Қишлоқ ва сув хўжалиги вазирлиги, Қорақалпоғистон Республикаси Вазирлар Кенгаши, вилоятлар ва туманлар ҳокимликлари	хар йили 1 марта